

ՇՐՋԱՓԱԿՄԱՆ ԿՈՐ ԶԵՎ

Ազերիմֆորմի «Էշելոման-ները գնացին Հայաստան» իմֆորմացիան, որը հրապարակվել է «Պրավդա» թերթի սեպտեմբերի 27-ի համարում, չի համապատասխանում իրականությանը: Այսպես, մեկ օրում Հայաստան է եկել ընդամենը 700 վագոն, մինչդեռ պետք է լինեին 1360: Հաղորդման մեջ նշվում է, որ «առաքվել է պարենով լի 58 վագոն», իրականում եկել է ընդամենը 3 վագոն, որոնցից երկուսում եղել է նեխած կարտոֆիլ, որի մասին նշվեց նաև կենտրոնական «Ժամանակ» հեռուստառազգրով, իսկ երրորդում՝ հոտած ձուկ: Բնական է, դրանք բեռնվել են շատ վաղուց և մնացել են փակու-

ղիներում: Զուկը, օրինակ, բեռնվել է դեռևս օգոստոսի 24-ին Կերչ քաղաքում: Այդ մասին հայտնեց Անդրերկաթուղու Երևանի քաժամմունքի պետ Հ. Ղանդիլյանը: Նա միաժամանակ նշեց, որ շրջափակումը շարունակվում է նոր ձևով: Ադրբեջանի տրանսպորտի աշխատողները հիմա դիմել են այլ տակտիկայի: Գրանցքներից նրանք անջատում են պարենային ապրանքներով և նավթամթերքներով բեռնըված վագոնները, իսկ դրանից հետո շարժակազմերը ուղարկում Հայաստան: Ծրջափակման սկզբից մինչև այսօր Ադրբեջանի երկաթուղուց չի ստացվել վառելիքով բեռնված և ոչ մի վագոն: Դա

ստեղծել է շատ լարված իրադրություն: Ադեռի գոտում այսօր կանգնած է 700 վագոն՝ հիմնականում վրաստանից, մասամբ Ադրբեջանից, բայց դրանք էլ անհնար է բեռնաթափել, քանի որ հարյուրավոր բեռնատարներ կանգնած են բեռնահիմ և դիզելային վառելիք չլիանելու պատճառով:

ԱՅցած մեկ օրում իրադրությունը չի փոխվել: Նորաշեն և Իջևան կայարանների մատուցներում կա 20 հազար վագոն: ԽՍՀՄ հաղորդակցության ճանապարհների մինիստրության և մյուս միութենական մարմինների կողմից ձեռնարկվող միջոցները դեռևս դրական արդյունք չեն տալիս:

(Արմենպրես)